



Synfocity = 483

mail us at : mzsynfo@gmail.com; mizoramsynod@gmail.com - Phone - 2314648

17th April, 2014

□ MTC-in Graduation Day hmgang

April 15, 2014 (Thawhlehi) khan Missionary Training College, Mission Vengthlang chuan Synod Conference Centre-a Pi Zaii Hall-ah Graduation Day vawi 2-na an hmgang a, B.Miss zir chhuak mi 14 thlah an ni.

Programme hi Rev. K. Lalrinkima, Principal-in a kaihrui a, Rev. Lalrintluanga, Dean-in Graduate-te hmelhriattirna hun a hmgang a, Rev K. Lalhmuchhuaka, Moderator-in thuchah a sawi a, Rev. Lalzuithanga, Senior Executive Secretary-in zirchhuakte hnenah certificate a hlan. Rev. P.C. Pachhunga, Executive Secretary-in zir chhuakte rawngbawlna atana inhmgang zui zel tura an inpekna zawtin Rev. Prof. Vanlalchhuanawma, Principal, ATC-in Pathian hnenah hlanin a tawngtaisak a, Synod Choir vawi hnih an zai bawk. Upa H. Zoliana, Synod Secretary-in zirlai tithate hnenah lawmman a sem a, MTC Student Body, Faculty leh kal chhuak aiawh thusawite ngaihthlak a ni bawk.

Missionary Training College hi 1978 khan Missionary Department tiin Aizawl theological College-ah bul tan a ni a, kum 1996 atangin Missionary Training Centre hming puin a indang a, kum 2010-ah College dinhmunah hlan kai a ni. Zirlai titha chawimawina dawngtute chu:

- | | | |
|---|---|--|
| 1. R. Dala Award for Biblical Subjects | - | Lallawmnakima Hmar |
| 2. Rohmingthangi Award for Theology Subjects | - | Lallawmnakima Hmar |
| 3. Tirhkoh Chhingtei Award for Mission and Ecangelism | - | Lallawmnakima Hmar |
| 4. M. Suaka Award for Religion and Cultural Studies | - | Lallawmnakima Hmar |
| 5. Tirhkoh Thangzawna Award for Ministry | - | i) Lallawmnakima Hmar
ii) Lalhmangaihzami Ralte
iii) C. Vanlalhruaia
iv) V. Samuel Laithanmawia |
| 6. Lalbiakchhungi Award for Academic Excellence | - | Lallawmnakima Hmar |
| 7. Robuanga Award for Best Student | - | Zarzoliani |
| 8. Proficiency Prize | - | i) Lallawmnakima Hmar
ii) Lalhmangaihzami Ralte
iii) C. Vanlalhruaia |

□ ATC Valedictory Service

April 14, 2014 (Thawhtanni) khan Aizawl Theological College (ATC) chuan Pathian thu zir chhuakte thlahna (Valedictory Service) an hmgang. Programme hi Rev. Prof. Vanlalchhuanawma, Principal-in a kaihrui a, Rev. K. Lalhmuchhuaka, Synod Moderator-in thlahna thuchah a sawi.

ATC Valedictory Service-ah hian zirlai 36 thlah an ni a, chung zinga 24 chu BD zir niin, 12 chu M.Th zir an ni. Pathian thu zir chhuak thlahna inkhawm hi urhsun taka buatsaih a ni.

Rev. Dr. Tlanghmingthangan Pathian sawmna hun a hmgang a, Rev. Vanlalrawnan Lawmthu sawina hun a kaihrui a, Rev. B. Zohmangaihan Sual thuphachawi tawngtaina hun a hruai leh a, zirlai kal chhuk turte hmelhriattirna hun hman a nih hnuah Synod Moderator-in thuchah a sawi. Principal-in Inthlahna hun a buatsaih a, Synod Choir an zai a, Rev. K. Ramdintharan kal chhuak turte tana tawngtaisakna a kaihrui a, Faculty lam, zirlai awm mek leh zirlai kalchhuak tur aiawhten inthlahna thuchah an sawi hnuah Upa H. Zoliana, Synod Secretary-in lawmman chi hrang hrang a sem zui a, Theological Education changtu Executive Secretary Rev. Lalramliana Pachuau-in Certificate a sem a, Rev. Dr. K. Lallawmzualan lawmthu sawina hun a hmgang a, Rev. Dr. Zaihmingthanga, Theological Education Board member-in Malsawmnain hun a khar a ni. Zirlai kal chhuak turte thlah nan tlai lamah zanriah kilho nghal a ni. Zirlaite inelna kawng hrang hranga titha ber lawmman dawngtute chu -

- | | | |
|---|---|--|
| 1. Zirlai Tlawnggai ber (Upa R. Zobelat Hriatrengna) | : | Vanlalngeiha |
| 2. Zirlai Thuhrii thiam ber (Rev. Liandova Hriatrengna) | : | Vanlalngeiha leh Lalrinawma |
| 3. Preliminary Greek (J.M. Lloyd Hriatrengna) | : | Lalzedanga |
| 4. Preliminary Hebrew (Rev. & Mrs C. Vanlalhruaia te lawmman) | : | K.J. Lalbiaknggheta |
| 5. Library knowledge (Upa Prof. C. Lalkima Lawmman) | : | Laltawnvela Duhlian |
| 6. Life & Thought of John Calvin (Upa CL Thansanga lawmman) | : | Lalhunthara |
| 7. Bible chhiar thiam ber (Rev. Dr. Zaihmingthanga lawmman) | : | Joseph V. Renthlei (English)
Lalrinchhana Chhangte (Mizo) |

□ Good Friday & Easter Sunday

April 18, 2014 (Zirtawpni) hi Good Friday a ni a, April 20, 2014 (Pathianni) hi Easter Sunday a ni bawk. April 17, 2014 (Moundy Thursday) atangin Good Friday programme hi hman tan a ni ang.

Kumin 2014 hian Pastor Bial vawngtuten mahni Bial theuhah Good Friday Lalpa Zanriah Sakramen an theh ang a, Bial chhunga Minister awmte chu Bial vawngtuten remchang an tih angin chanvo an siamsak ang.

Good Friday & Easter Monday hian Synod Office leh Synod hnuai Department hrang hrangte office khar a ni dawn a, dawr theih an ni lovang.

□ Zin

◆ April 12, 2014 (Inrinni) khan Phullenah Zirnaa Kohhrante mawhpurhna campaign neih a ni a, hetah hian Rev. V.L. Krosschhuanmawia, Synod Office; Upa K. Lalhmangaihzuata, Electric Vengthlang; Upa F. Lallura, Electric Veng; Upa Lalruatkima, Electric Veng leh Tv. C. Lalremruata, Outreach Worker te an kal. April 13, 2014 (Pathianni) khan Phullen Bial chhung Kohhran hrang hrangah hun an hmgang bawk.

◆ April 14, 2014 khan Chhinga Veng Kohhranah Sunday School Zirtirtu Retreat neih a ni a, Rev. Lalramliana Pachuau, Executive Secretary-in retreat hi a hmanpui a ni.

◆ April 19, 2014 (Inrinni) zing dar 7:00 hian Tlangnuam Bial Pastor Quarters thar chu Rev. Lalzuithanga, Senior Executive Secretary in Pathian hnenah hlanin a hawng ang.

◆ April 22 & 23, 2014 hian Rongkimih, Dipu-ah Consultation on Unification on Karbi Anglong Presbyterian Churches under KAGAAA neih a ni dawn a, Mizoram Synod aiawha palai turin Rev. Lalchhuanmawia, SMB Secretary; Rev. Lalmakpuia, ATC; Rev. Vanlalbela, Bawngkawn; Rev. C. Lalsangliana, Ramhlun North; Upa Lallianzela, Laipuitlang; Upa Lalramthanga, Armed Veng; Upa Hmingthnsanga Pachuau, Chhinga Veng leh Synod Mission Field hrang hrang atangin palai 20 an tel ang.

Contd...

- ❑ **Presbyterian Bible School**
 April 24, 2014 (Ningani) chawhnu dar 1:00 hian Pi Zaii Hall, Synod Conference Centre-ah Presbyterian Bible School-a 30th Session zirlaite pualin Farewell & Dedication Service neih a ni ang. Programme hi Rev. P.C. Pachhunga, Executive Secretary-in a kaihuai ang a, Rev. Dr. C. Lalramlianah Inhmelhriattirna hun a hmang ang a, Rev. Lalrinmawia, Board Member-in zirlaite hnenah Certificate a hlan ang. Chairma-in zirlaite hlanna leh lawmman semna a nei ang a, Rev. Vansawma, Board Member-in tawngtaisakna hun a hmang ang a, Upa C. Lalbiakthanga, Board Member leh zirlai aiawhten thutawi an sawi ang a, Rev. Vanlalzuatan Lawmthu sawina hun a hmang ang.
- ❑ **Synod Social Front**
 Synod Social Front chuan Aluminium Mistiri Training Batch 2-na atan mi 20 an la thar a, waiting list-ah mi 7 an awm bawk. Synod Social Front hian Aluminium Mistiri Training Batch 1-na chu hlawhtling takin October - November, 2013 chung khan Bhagwati Sai Metal Alloys nen tangkawpin an lo buatsaih tawh a ni.
 Training batch 1-naa zir chhuakte hi Biak In sa mek Kohhrante leh mimal pawhin rawih theih reng an ni a. A duhte chuan Synod Social Front Office-ah ngaihven theih a ni.
- ❑ **Synod Mission Board**

 - ◆ April 11 - 13, 2014 khan Assam Mission Field-ah Guwahati Bialin Satribari-ah Inkhawmpui an nei a, puitling pathum (3) in baptisma an chang thar.
 - ◆ April 14 & 15, 2014 khan Karbi Anglong Mission Field-a thawktuten Retreat an nei a, thupuih 'Thlarau thara rawngbawl' tih an hmang. Retreat-ah hian Speaker atan Upa Lalhriata an hmang a, Nl. C. Lalrammawii (Soloist) in a tawiawm a ni. Retreat hi a hlawkpui hle a, missionary 120 vel an tel thei a ni.
 - ◆ April 15 - 17, 2014 hian Nagar, Udharbond, Barak Area Bialah Missionary ten Outreach Programme an hmang mek.
- ❑ **Hruaina Eng FM Radio & TV Programme**

 - ◆ **APRIL 18 (FM Zoawi Aizawl @ 7:30 p.m.) :**
Solo : Isaak Malsawmtluanga - ka in nghahna, **Choir** : Zemabawk - Kan khawvel ni a kin hunah, **Thuchah** : Rev. Lalramliana Pachuau - Good Friday Thuchah, **Solo** : Lalremruata - Areilo em, **Choir** : Mizoram Synod Choir - Lalpa fakin kan zai ang
 - ◆ **APRIL 18 (FM Lunglei @ 7:30 p.m.) :**
Solo : Isaak Malsawmtluanga - ka in nghahna, **Synod News**, **Choir** : Zemabawk - Kan khawvel ni a kin hunah, **Thuchah** : Rev. Lalramliana Pachuau - Good Friday Thuchah, **Solo** : Lalremruata - Areilo em, **Choir** : Mizoram Synod Choir - Lalpa fakin kan zai ang
 - ◆ **APRIL 20 (TV Programme @ 3:00 p.m.) :**
Zaipawl : Mizoram Synod Choir - Kan tho ang, **Sermon** : Rev. P.C. Pachhunga - Easter Sunday Thuchah, **Play-back** : Missionary Training College Graduation Day 2014
- ❑ **Susamachar Prasaran Programme**
APRIL 20 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Aizawl Venglai - Dil se me, **Group/Choir/Solo** : Central PYF Choir - Krus Par, **Sermon** : Rev PC Rohlira - Isu masi papyangko pyar kanewala, **Group/Choir/Solo** : Leitan South Masihi Sangati, **Group/Choir/Solo** : Zarkawt Masihi Sangati
- ❑ **Synod Moderator Programme**
 Synod Moderator Rev. K. Lalhmuchhuaka chuan tun kar tawpah Kohhran tlawhin hetiang hian hun a hmang ang :

April 17, 2014 (Ningani)	: Agartala
April 18, 2014 (Zirtawpni)	: Agartala Kohhran
April 19, 2014 (Inrinni)	: Khumlung Kohhran
April 20, 2014 (Pathianni)	: Tuidu Kohhran

VIOLIN ZIRNA

Synod Music School chuan May 2014 atangin Violin zirna a hawng thar dawn a. A zir duh chuan Synod Office-ah dilna form la chhuakin, mahni awmna Kohhran lehkhha thil telin April 25, 2014 thleng dilna theh luh theih a ni.

REV. P.C. PACHHUNGA
 Executive Secretary i/c Music

ADVERTISEMENT

Synod Hmangaihna In, Durtlang-a thawk turin heng hnate hi a ruak a, Kohhran lehkhha leh thiamna Certificate thil telin Hmangaihna In Office-ah dilna thehluh theih a ni.

Hna hming	Thiamna	
Counsellor (Contract)	:	M.A. (Psy.) or MSW (Second Class)
Case Worker (Contract)	:	MSW (Second Class)
Dil teih hun chung	:	April 27, 2014
Interview	:	April 28, 2014, Dar 12:00 Noon
Interview-na	:	Synod Committee Room 1, Synod Office

REV. LALRAMLIANA PACHUAU
 Executive Secretary i/c Hmangaihna In

